

Na osnovu člana 7. Statuta TZ grada Tuzle ("Službeni glasnik Grada Tuzla" broj: 12/17 i 4/22), odredbi Pravilnika o kriterijima i postupku raspodjele sredstava za finansiranje/sufinansiranje projekata, programa i manifestacija koje doprinose obogaćivanju turističke ponude, broj: 02-254/19 i 02-135-1/22 i Odluke o utvrđivanju prioriternih područja za dodjelu sredstava TZ grada Tuzle putem Javnog poziva za projekte i manifestacije koje doprinose obogaćivanju turističke ponude u gradu Tuzli, broj: 02-155/23 od 17.04.2023. godine, Turistički ured TZ grada Tuzle, dana 19.04.2023. godine (srijeda), objavljuje:

JAVNI POZIV za finansiranje/sufinansiranje projekata i manifestacija koje doprinose obogaćivanju turističke ponude u gradu Tuzli

I. Predmet Javnog poziva

Predmet Javnog poziva je dodjela sredstava Turističke zajednice grada Tuzle (u daljem tekstu: TZ grada Tuzle) sa pozicije utvrđene Godišnjim programom rada i finansijskim planom TZ grada Tuzle za 2023. godinu, pod nazivom: „*Podrška projektima koji imaju za cilj podizanje kvalitete turističke ponude i promocije turističkih kapaciteta na području grada Tuzle*“, **u iznosu od 40.000,00 KM.**

Pravo na dodjelu sredstava imaju:

- a) neprofitne organizacije koje prema rješenju o upisu u registar obavljaju djelatnost koja je u skladu sa prioriternim područjima ovog Javnog poziva, a u okviru kojih će realizovati svoje aktivnosti i
- b) privredna društva (d.o.o.) koja su registrovana za obavljanje turističke i/ili djelatnosti organizacije manifestacija i događaja kulturno-zabavnog karaktera.

II. Prihvatljivi i neprihvatljivi troškovi

Odobrena finansijska sredstva korisnik je dužan utrošiti isključivo za realizaciju prijavljenog projekta ili manifestacije. Sredstva se smatraju namjenski utrošenim ako su korištena isključivo za finansiranje prihvatljivih i opravdanih troškova utvrđenih finansijskim planom i budžetom projekta ili manifestacije. Svako odstupanje od finansijskog plana, odnosno budžeta projekta ili manifestacije, smatrat će se nenamjenskim trošenjem sredstava.

Neprihvatljivim troškovima smatraju se: troškovi redovnog poslovanja prijavitelja (plate i ostala primanja zaposlenih), tekući uredski troškovi, dugovi i stavke za pokrivanje gubitaka ili dugova, dospjele kamate na kredite, carinske i uvozne takse, troškovi najma i kupovine vozila, zajmovi trećim stranama, kupovina zemljišta ili građevina, troškovi reprezentacije, hrane i alkoholnih pića.

III. Prioritetna područja finansiranja/sufinansiranja

Prioriteti finansiranja/sufinansiranja moraju biti usmjereni ka postizanju ciljeva definiranim strateškim i razvojnim dokumentima Grada Tuzla te drugim strateškim dokumentima iz oblasti turizma, a prijavitelji na ovaj Javni poziv dostavljaju prijave iz sljedećih prioriternih područja:

1. Podsticanje razvoja turističke infrastrukture

- 1.1. Očuvanje i stvaranje prepoznatljivog i privlačnog turističkog ambijenta;
- 1.2. Obnova, uređenje i aktiviranje područja grada Tuzle koja su nedovoljno uključena u turistički promet.

2. Kultura i kulturno historijsko i prirodno naslijeđe

- 2.1. Promocija kulturno-historijskog i prirodnog naslijeđa;
- 2.2. Manifestacije od kulturnog, sportskog, privrednog i umjetničkog značaja koje doprinose obogaćivanju turističke ponude i privlačenju turista.

3. Unapređenje cjelovite turističke ponude

- 3.1. Podizanje kvaliteta turističkih usluga;
- 3.2. Razvoj i unapređenje posebnih oblika turizma;
- 3.3. Stvaranje novih inovativnih turističkih proizvoda.

Prijavitelji na ovaj Javni poziv mogu podnijeti samo jednu prijavu u skladu sa naprijed navedenim prioritetnim područjima finansiranja/sufinansiranja, odnosno sredstva TZ grada Tuzle moгу biti odobrena samo za jedan projekat ili manifestaciju istog prijavitelja, a ukoliko je prijavitelj već ostvario finansijska sredstva od strane TZ grada Tuzle u 2023. godini, takva prijava neće se uzeti u razmatranje.

Također, prijavitelji koji ostvare sredstva po ovom Javnom pozivu, u toku 2023. godine više neće imati pravo korištenja sredstava Turističke zajednice grada Tuzle.

IV. Minimalan i maksimalan iznos sredstava koja se mogu dodijeliti

Minimalan iznos sredstava koja se mogu dodijeliti po jednoj prijavi u okviru prioritetnih područja iz člana II. ovog Javnog poziva je **500,00 KM**, a maksimalan **4.000,00 KM**.¹

TZ grada Tuzle zadržava pravo da ne dodijeli sva dostupna finansijska sredstva u okviru pozicije iz člana I. Javnog poziva ukoliko po Javnom pozivu ne bude zaprimljen dovoljan broj kvalitetnih prijava, odnosno, prijava koje zadovoljavaju kriterije ovog Javnog poziva.

V. Pravo učešća

Pravo na dodjelu sredstava putem Javnog poziva mogu ostvariti prijavitelji koji ispunjavaju sljedeće opće uslove:

- da su osnovani i registrovani u Bosni i Hercegovini i da na području grada Tuzle imaju sjedište ili drugi organizacioni oblik,
- da je odgovorno lice prijavitelja državljanin Bosne i Hercegovine,
- da ne obavljaju aktivnosti u ime političkih partija,
- da se njihove projektne prijave odnose na prioritetna područja iz ovog Javnog poziva;
- da im je registrovana djelatnost u skladu sa prioritetnim područjem u okviru koje će realizovati svoje aktivnosti i
- da svoje aktivnosti realizuju na području grada Tuzle.

Izuzetno, sredstva se mogu dodijeliti i za aktivnosti koje se realizuju izvan područja grada Tuzle, ukoliko značajno doprinose turističkoj promociji grada, a što je prijavitelj na Javni poziv obavezan opisati u Prijavnom obrascu iz tačke VI. Javnog poziva, i u slučaju odobrenih sredstava dokazati u Finansijskom i narativnom izvještaju – *Obrazac 6*, koji se može preuzeti na zvaničnoj internet stranici TZ grada Tuzle (<https://tztz.ba/ba/javni-pozivi/>).

¹ Prijavitelji na ovaj Javni poziv mogu od TZ grada Tuzle tražiti finansijska sredstva za organizaciju i realizaciju svojih aktivnosti **isključivo u utvrđenom rasponu od 500,00 KM do 4.000,00 KM**.

Sredstva se mogu dodijeliti i prijaviteljima sa sjedištem izvan grada Tuzle (a koji su registrovani na području Bosne i Hercegovine), samo u slučaju ako je realizacija projekta ili manifestacije od interesa za grad Tuzlu i ima izuzetan turistički značaj, pod istim uslovima koji su navedeni u prethodnom stavu.

VI. Prijavna dokumentacija

Prijava na Javni poziv podnosi se na propisanom Prijavnom obrascu koji je objavljen na zvaničnoj internet stranici TZ grada Tuzle (<https://tztz.ba/ba/javni-pozivi/>).

Prilikom prijave na Javni poziv, prijavitelji su obavezni dostaviti sljedeće:

1. Popunjen Prijavni obrazac (*Obrazac 1*)², sa sljedećim sadržajima:
 - a) Naziv i opis projekta ili manifestacije;
 - b) Podatke o nosiocu projekta ili manifestacije;
 - c) Ciljevi projekta ili manifestacije;
 - d) Aktivnosti i očekivani rezultati te očekivani broj turista;
 - e) Ciljne grupe;
 - f) Značaj projekta ili manifestacije za turizam i
 - g) Realizirani projekti i/ili manifestacije u prethodne 3 godine (navesti da li su aktivnosti prijavitelja već finansirane od strane TZ grada Tuzle ili Grada Tuzla);
2. Rješenje o registraciji kod nadležnog organa kao i Rješenje o posljednjem upisu promjena podataka, izmjena ili dopuna prvobitnog Rješenja o registraciji;
3. Identifikacioni i PDV broj (za obveznike uplate PDV-a) ;
4. Detaljno razrađen Finansijski plan za realizaciju projekta ili manifestacije, potpisan od strane odgovornog lica (pregled budžeta i plan potrošnje sa specifikacijom troškova potrebnih sredstava) – (*Obrazac 2*);
5. Kopija lične karte ili Uvjerenja o državljanstvu odgovornog lica;
6. Uvjerenje o izmirenim obavezama prema javnim prihodima - **original ili ovjerena kopija ne starija od 30 dana od dana objave Javnog poziva**;
7. Završni godišnji finansijski izvještaj za prethodnu godinu sa pečatom AFIP-a (bilans stanja i bilans uspjeha) - **original ili ovjerena kopija**;
8. Podatke o stručnosti lica angažovanih za potrebe provedbe projekta ili manifestacije (kraći CV);
9. Zvaničan dokument banke o otvaranju transakcijskog računa;
10. Izjava odgovornog lica o izmirenim obavezama na ime članskog doprinosa i/ili boravišne takse prema TZ grada Tuzle za obavezne članove TZ grada Tuzle zaključno sa 31.03.2023. godine (**ovjerena kod notara ili drugog nadležnog organa**)³;
11. Dokaz o pribavljenim saglasnostima ili dozvolama neophodnim za izvođenje projektnih aktivnosti koje se odnose na turističku infrastrukturu⁴ i
12. Lista za provjeru (*Obrazac 3*).

² Prijavni obrazac se popunjava isključivo elektronski/na računaru, prijave ispunjene rukom neće biti uzete u razmatranje.

³ Ukoliko prijavitelj nije obveznik plaćanja članskog doprinosa turističkoj zajednici, ne dostavlja se ovaj dokaz.

⁴ Za sve aktivnosti prijavitelja koje se odnose na podsticanje razvoja turističke infrastrukture potrebno je dostaviti prethodne saglasnosti ili dozvole za izvođenje projektnih aktivnosti iz Prijavnog obrasca - ukoliko su neophodne, kao npr. urbanistička ili građevinska saglasnost ili dokaz o nepostojanju obaveze za pribavljanjem prethodnih saglasnosti i slično.

Prijavitelj uz prijavu dostavlja fotokopije tražene dokumentacije (osim dokumentacije iz tačke 6., 7. i 10. prethodnog stava koja treba biti u originalu ili ovjerenoj fotokopiji ne starijoj od 30 dana od dana objave Javnog poziva), a originalni dokumenti po potrebi će biti zatraženi na uvid ukoliko sredstva budu odobrena.

Prijave onih prijavitelja koji se u trenutku prijave na Javni poziv nalaze u postupku registracije i/ili nisu u mogućnosti dostaviti kompletnu dokumentaciju iz člana VI. tačka 2., 3., 6., 7., 9. i 10. ovog Javnog poziva, će biti razmatrane u skladu sa kriterijima za ocjenu i odabir utvrđenim Pravilnikom iz člana VII. Javnog poziva.

Nepotpuna dokumentacija i dokumentacija dostavljena izvan predviđenog roka, neće se uzeti u razmatranje.

Prijave prijavitelja na Javni poziv koje ne zadovoljavaju bilo koji od ispod navedenih kriterija, neće se uzeti u razmatranje:

- a) koji su u 2023. godini već bili korisnici sredstava TZ grada Tuzle;
- b) koji nisu izvršili obaveze po ranije doznačenim (odobrenim) finansijskim sredstvima TZ grada Tuzle;
- c) čije su aktivnosti usmjerene na promociju političkih stranaka, rasizma, fašizma i kršenja zakonom zagantovanih ljudskih prava i sloboda;
- d) koje su namijenjene za isključivu dobit pojedinca;
- e) koji ne izmiruju zakonske obaveze prema javnim prihodima;
- f) koji ne izmiruju zakonske obaveze prema TZ grada Tuzle;
- g) čije aktivnosti nisu u skladu sa prioritetnim područjima iz člana II. ovog Javnog poziva.

VII. Osnovni kriteriji za ocjenu i odabir

Osnovni kriteriji za ocjenu i odabir prijava na Javni poziv utvrđeni su Pravilnikom o kriterijima i postupku raspodjele sredstava za finansiranje/sufinansiranje projekata, programa i manifestacija koje doprinose obogaćivanju turističke ponude, broj: 02-254/19 i 02-135-1/22.

VIII. Provođenje Javnog poziva

Postupak po ovom Javnom pozivu provodi tročlana Komisija za ocjenu ispunjavanja kriterija za dodjelu sredstava i odabir, u skladu sa članom 12. Pravilnika iz člana VII. ovog Javnog poziva.

Samo prijave koje budu ocijenjene sa 20 i više bodova će biti finansirane/sufinansirane od strane TZ grada Tuzle, s obzirom da prijavitelji sa nižim brojem bodova ne zadovoljavaju postavljene standarde.

Komisija zadržava pravo da odabranom prijavitelju dodijeli sredstva u manjem iznosu od iznosa kojeg prijavitelj potražuje od TZ grada Tuzle, a u skladu sa kriterijima i mjerilima za ocjenjivanje i odabir utvrđenih Pravilnikom, cijeneći turistički značaj prijavljenog projekta ili manifestacije.

IX. Period realizacije aktivnosti odabranih prijavitelja

Aktivnosti odabranih prijavitelja po ovom Javnom pozivu mogu se realizovati u periodu **od 01.06.2023. godine do 31.08.2023. godine.**

X. Mjesto i rok dostave prijave na Javni poziv

Prijave na ovaj Javni poziv sa pratećom dokumentacijom prijavitelji dostavljaju u zatvorenoj koverti preporučenom poštom ili se predaju lično u Turistički ured TZ grada Tuzle, na adresi:

**TURISTIČKA ZAJEDNICA GRADA TUZLE
TURISTIČKI URED
Ulica Soni trg broj 8
75 000 Tuzla**

**„Javni poziv za za finansiranje/sufinansiranje projekata i manifestacija koje doprinose
obogaćivanju turističke ponude u gradu Tuzli“
NE OTVARATI**

Javni poziv je otvoren **14 radnih dana** od dana objavljivanja, a krajnji rok za predaju prijave je **12.05.2023. godine (petak) do 16.00 sati.**

Prijave koje budu pristigle poslije navedenog roka razmatraće se jedino u slučaju da poštanski žig ukazuje na datum slanja prije zvaničnog isteka roka.

Prijave poslane na bilo koji drugi način (npr. faksom i e-mailom) neće biti uzete u razmatranje.

Vanjska strana koverta mora sadržavati naziv Javnog poziva i naznaku „NE OTVARATI“.

XI. Način objavljivanja rezultata

Na osnovu ocjene prijave na Javni poziv i ostvarenom broju bodova iz pojedinačnih obrazaca za ocjenjivanje prijavitelja, Odluka o odabiru projekata, programa ili manifestacija sa planom raspodjele sredstava će se donijeti najkasnije u roku od **10 radnih dana** od dana zatvaranja ovog Javnog poziva.

Rezultati Javnog poziva, odnosno rang-lista projekata ili manifestacija kojima su odobrena finansijska sredstva, kao i iznosi odobrenih sredstava po korisniku, biće objavljeni na zvaničnoj internet stranici TZ grada Tuzle (<https://tztz.ba/ba/javni-pozivi/>) najkasnije u roku od **5 radnih dana** od dana donošenja Odluke iz prethodnog stava.

Turistički ured TZ grada Tuzle će sa odabranim korisnicima zaključiti ugovore kojim će se regulisati međusobna prava i obaveze u pogledu dodjele i načina korištenja sredstava na ime finansiranja/sufinansiranja odobrenih projekata ili manifestacija.

Sve dodatne informacije o načinu i postupku učešća u Javnom pozivu mogu se dobiti u Turističkom uredu TZ grada Tuzle, putem telefona: +387 35 257 499 te slanjem pitanja na e-mail adresu: info@tztz.ba